

Istraživanja pokazala da se većina mladih ipak želi vratiti u BiH

Za rad najprivlačniji Sarajevo i Mostar

SARAJEVO - Velika većina mladih iz BiH se, suprotno javnom razmišljanju, planira vratiti u svoju zemlju po završetku studija u inozemstvu, pokazuju rezultati ankete koju je potkraj prošle godine proveo tim projekta BiHStudenti.com s namjerom da analizira razmišljanja mladih bh intelektualaca koji se nalaze izvan BiH. Po rezultatima istraživanja, 76 posto ispitanika razmišlja o traženju posla u BiH, a 64 posto njih trenutno studira.

Samo 10 posto mladih ne planira se vratiti da rade u BiH, dok se 57 posto planira vratiti (29 posto te grupe vratilo bi se u BiH odmah). Gotovo četvrtina anketiranih još ne zna bi li se vratila i zaposlila u BiH. Kako ističu u projektu BiHStudenti.com, razlozi koji privlače mlade na povratak na rad u BiH su kompleksni i nemoguće je izdvojiti jedan faktor kao glavni aspekt koji privlači mlade na rad. Slično je i u slučaju s faktorima koji onemogućavaju mlade da se vrte na posao u BiH.

Gotovo 50 posto upitanih izjasnilo se da bi, kad bi se vratili u BiH raditi, željelo tu ostati što duže, a 14 posto željelo bi ostati u BiH barem nekoliko godina. Sarajevo je daleko najprivlačniji grad za rad mladim bh intelektualcima, dok je Mostar drugi najpopularniji grad. Jedan od razloga za anketu BiHStudenti.com je i nastojanje da kreira novi internetski sustav za promociju poslova u BiH. (Fena)